

Газет 2001-йисан
ноябрдилаай акъатзава

Эренлардин СЕС

РД - дин Докъузпара райондин общественно-политический газет.
Общественно-политическая газета Докузпаринского района РД.

№9 (835) 28-февраль, арбе, 2018-йис. Газетдин са экз. кьимет кюскрай - 10 манат

РАЙАДМИНИСТРАЦИЯДА

АТК-дин заседание кьиле фена



Алай йисан 26-февралдиз райондин администрациядин заседанийрин залда «Докъузпара район» МР-дин Антитеррористический комиссиядин заседание кьиле фена. Ам АТК-дин председатель ва «Докъузпара район» МР-дин Кьил Абдурагьим Алискерова кьиле тухвана.

Заседанида райондин прокурор Мисбагь Назирова, РД-дин Ахцегьга кардик квай Россиядин ФСБ-дин Пограничный кьуллугьдин начальник Владимир Стояновскийди, РД-дин Дербент шегьерда кардик квай Россиядин УФСБ-дин векил Заур Мегьамедова, хатасузвили рекьяй райондин

Кьилин заместитель Къазихан Мегьединова, РФ-дин МВД-дин Ахцегь ва Докъузпара районрин урта «Ахгьинский» отделдин ОУУП ва ПДН-дин начальник Вадим Алиева, хуьрерин администрацийрин кьилери, райондин сечкийрин участокрин комиссийрин председателри иштиракна.

Заседанидин вилик квай кьилин месэляяр: РФ-дин Президентдин сечкийриз гьазурвал акун ва абур кьиле фидай вахтунда общественный кьайда хуьн; антитеррористический жигьетдай ва цIаяр кьуниз акси хатасузвал таъминарун.

Райондин Кьил Абдурагьим

Алискерова кьейд авурвал, кьенин юкьуз РФ-дин Президентдин сечкийрин тешкилувили вири кIвалахар акьалтIарнава. ТИК-дин вири сечкийрин участокар лазим тир компютерралди ва игьтиятдин энергосбереженидин чешмейралди таъминарнава, цIаяр кьуни жигьетдай хатасузвили профилактикадин кIвалахар кьиле тухванва. Президентдин сечкийриз гьазурвал акун ва ам кьиле тухун – им райондин вири тешкилатрин килерин вилик квай асул месэляя.

Кьиле фейи заседанидал райондин прокурор М. Назиров, В. Алиев, Къ. Мегьединов рахана.

А. ЭМИРСУЛТАНОВ

Райондин активдихъ галаз гуьруьш

26-февралдиз Докъузпара райондин администрациядин актовый залда райондин активдихъ галаз Дагъустандин дишегълийрин Союздин председатель Интизар Асадуллаевна Мамутаева, ДГТУ-дин проректор, 2018-йисан 18-мартдиз кьиле фидай РФ-дин президентдин сечкийра В.В.Путинан ихтибарлу кас Елена Ивановна Павлюченко гуьруьшмиш хъана.

Мярекат райондин депутатрин Собранидин председатель Агъмед Агъмедова ачуна ва кьватI хъанвайбуру мугъманрихъ галаз танишарна.

Сифте гаф И.Мамутаевадиз гана. Ада вичин ихтилат кьватI хъанвайбуруз кьвалахра агалкьунар тIалабунилай башламишна. И.Мамутаевади Дагъустандин сергъятра дишегълийрин Союзди тухузвай кьвалахрикай, мукьвара кьиле фидай президентдин сечкийрикай ихтилатна. Ада кьейд авурвал, Дагъустандин дишегълийрин Союзди В.В. Путинан тереф хуьзва.



Гуьгъуьнлай ДГТУ-дин проректор, алим Елена Павлюченко ва Докъузпара райондин агъсакъалрин Советдин председатель Дадашбала Дадашев рахана.

Мярекатда рахайбуру сечкийрин вахтунда гъар са агъалиди лайхлу, кьуватлу, мягъкем ва умуд кутаз жедай кандидатдиз сес гуниз

эверна.

«2018-йисан 18-мартдиз кьиле фидай сечкийр чи уьлкве, чи гележет патал гзаф важиблу месэла я. Гъавилай сес гудай ихтияр авай садни кьерехда амукьна кьандач», - лагъана абуру.

К. ФЕРЗАЛИЕВ

Лайхлувилер кьейдна

Алай йисан 22-февралдиз райадминистрациядин актовый залда «Докъузпара район» МР-дин Кьил Абдурагъим Алискерован регъбервилик кваз совешание кьиле фена. Совещаниедал Райондин прокурор Мисбагъ Назировича, райадминистрациядин заместителри ва идарайрин руководителри иштиракна.

Совещаниедин вилик Абдурагъим Алискерова, Щийи Каракуьре хуьре яшамеш жезвай, михьидаказ, намуслудаказ, гзаф йисара райондин дережа хкажунин рекъай зегъмет чIугуна, авунвай кьвалахдиз килигна ва район экономикадини яшайишдин рекъай вилик тухунин кардик пай кутур Забир Абдулкеримовав «Докъузпара райондин патай гурметдин чар ва медаль» вахгана, чухсагъулдин гафар лагъана ва райондин жемятдиз алуькзавай 23-февраль Ватан хуьзвайбурун югъни тебрикна. Ахпа Забир Шагьисмаиловичаз, Гъвейибег



Шагъвеледова, Мисбагъ Назировича ва масабуру ганвай шабагъ рикIин сидкьидай мубаракна, адахъ чандин сагъвал рикIин шадвал хьун тIалабна.

Совещаниедал Россиядин Президент хкягъдай сечкийриз талукъ месэлаярни веревирдна. Абдурагъим Алискерова кьватI хъанвайбуруз сечкийр кьиле тухудай юкьуз вири участокра жемятдин

хатасузвал таъминарунин жигъетдай алава серенжемар кьабулунин чарасузвилькайни лагъана. Эхирдай райФО-дин начальник Тамара Аскеровади совещаниедал иштиракзавайбуруз вичин патай Ватан хуьзвайбурун югъ мубаракна, хуш келимадин гафар лагъана.

Вадим АГЪАМУРАДОВ

3-март - Виридуьньядин писателдин югъ Милли гьикаятдик - члехи пай...

Чалан устадрал гьалтайла, чи район гьам республикада, гьамни члехи уьлкве тир Россияда лайихлу чкадал ала.

Чи яратмишзавай интеллигенциядин арадай Дагъустандин халкъдин шаирар Шагъ-Эмир Мурадов ва Арбен Къардаш акъатна. Гьикаятни пис чкадал алач. Чи писателар тир Межид Гъажиеван, Мурадхан Шихвердиеван, Къурбан Акимован, Сфи-Бубадин, Серкер Мингъажеван эсерар келзавайбуру еке итиж аваз къабулзава.

Къад лагъай асирдин 60-80-йисара къурушви Межид Гъажиева бажарагълу рассказар, очеркар, новеллаяр, повестар, роман кхьена. А вахтунин эсерриз хъиз, писателдин яратмишунриз халкъдиз вафалувал, ватанпересвал, чилел ислягъвал хуьн патал зегъмет, экуь гележег патал женг члугун ва маса терефар хас жезва. А бур социалистический реализмдин истемишунар тир. Писатель Межид Гъажиеван новеллаяр, повестар ва роман хеуси художественный алатралди, инсанрин къаматар чранвайвилелди, вичин хеуси хатI хьуналди тафаватлу жезва. Вичи Москвадин М. Горькийдин тIварунихъ галай Литературный институт акъалтарнавай писателдиз дуьньядин класскрин эсерар хъсандиз чизвай, ада карчивилелди абурай чешне къачуз ва вичин халкъдин ацукьун- къарагъунин,



тарихдин, медениятдин месэляяр гьализ хьана.

Бажарагълу писателдин эсерар урус, англис, туьрк ва Дагъустандин халкъарин чIалариз таржума авуна. Межид Гъажиева лезги ва урус чIаларалди «Рассказар ва очеркар» (1959), «Са булахдай яд хъвазвай бур» (1962), «Гезентидин эхир» (1964), «Дагълара» (1967), «Ирид къаш» (1972), «Им къван, имни терез» (1981) ва маса ктабар чапдай акъудна. «Им къван, имни терез» тIвар алай ктабдай Межид Гъажиеваз чи республикадин СтIал Сулейманан тIварунихъ галай Гьукуматдин премия гана. Новеллайрикай ибарат, и тIвар къунвай роман дагъвияр арандиз куьч хьунин месэладиз талукъарнавай. Межид Гъажиеван эсеррин игитар халис уьмуьрдай къачунвай бур я. Абурун арада лежберар, чубанар, нехирбанар, къуллугъчияр ава. Писателди лезги

чIалаз Л.Н.Толстойн «Севостополдин рассказар», Расул Гьамзатован «3и Дагъустан», Мегъамед Расулан «Жейран» ва маса ктабар таржума авуна. 1985-йисуз М. Гъажиев рагъметдиз фена. А писателдихъ галаз зи ацукьун – къарагъун тIнимил хьаначир. РикIеллама, адан мепелай камаллу келимаяр къведай.

Писатель Межид Гъажиева лугъудай:

«Маса инсандикай фитне ийизвайди руьгъдиз мутIлакь кас я».

Дуст дуст ятIа, ада вичин вафалувал ваз цIани, цени, гьавадани- виринра къалурла.

Гъахъ чинибанди жедач, гьакьунни чараданди недач.

Масадаз шадвал, чимивал гувачтIа, вун авайдай туш.

Камаллу инсандин гафар, меслятар мад гъахътин пар квай бур жеда къван! Межид Гъажиеван эсерар Дагъустандин эдебиятдин къизилдин фондуна гьатнава. А бур чи республикадин вузрин студентри чирзава, аялри мектебра келзава.

Шагъбала ШАГЪБАЛАЕВ

Военный прокурор информирует

«Федеральным законом от 29 декабря 2017 г. № 444 – ФЗ «О внесении изменений в Федеральный закон «О воинской обязанности и военной службе» определено, что граждане в возрасте от 18 до 27 лет, освобожденные от призыва как ограничено годные к военной службе по состоянию здоровья и зачисленные в запас, вправе пройти медицинское освидетельствование. В случае признания таких

граждан годными к военной службе (годными с незначительными ограничениями) они смогут призываться на военную службу».

315 военная прокуратура гарнизона.

А.А. ЛУЧКО, военный прокурор 315 военной прокуратуры гарнизона, полковник юстиции

Майрудин БАБАХАНОВ

ШИИРАТ

АЗГЪУН

(Къиса)

Магъарадиз, сев секиндиз ксанвай,
Къурь акъатна, михъиз гъекъни - каф хъанвай.

- Минет я, сев, чуьнуьхара вуна зун,
Чи тамара пайда хъанва са азгъун.

«Зун аслан я, зун куь хан я», - тикрариз,
Къил янава вичи чъуру крариз.

Чи тамарал алуькнава четин гъал,
Гъич садазни амач ана секинвал.

Иллаки пис девир хъанва къурериз,
Гъар юкъуз сад незва, патав эвериз.

Гила мадни акъуднава са указ,
Ихтиярар ганва гъалтай къурер къаз.

Ахтармишна, шумуд кватга какаяр,
Пуд квайбурал алкъурзава тагъмаяр.

- Вак пуд квач къван, бес ваз квехъай къурхузва?
- Гъисабдалди абур сифте атъузва...

ДУХТУРХАНАДА

(Хъайи агъвалат)

Акъваз жезвач, руфун тазва лагъана,
Гъарайдик кваз сад духтурдиз атана.

- Аман – минет, вакай, духтур, са чара,
Налугъуди, цай къекъезва ратара.

- Къал къачумир, сабурлу хъухъ, яваш кван,
Тъур къван затар са-сад рикел хваш кван.

- Экуьн къилий ни ийизва хурекар,
Тъуна амай эвелукрин пичекар.

Нисинихъ за дуст авунвай илифар,
Таза вергер тъуна, ийиз хъикъифар.

Нянихъайни сивелайна какадин
Къиб янавай са чъук афар хъчадин.

Духтур, къачур къелем анихъ эхцигна,
Атанвайдаз серсер хъана килигна.

- Са тиймил къван гъалат хъана, заз чиз, вун,
Къвалахъ галай ккъаз фенач вучиз вун?

- Ана сеbeb ни чирдай зи гъаларин?
- Ана хъсан духтур ава маларин.

**АМАЛДАР ВА
ДУВАНБЕГ**

(Къиса)

Амалдарди са керекул хуьз хъана,
Къетген жуьре авунвай ам вердишни:
Ракъурайла къвалак къана, куьс гана,
Физ крчарал ацукъзавай гамишрин.

Са нянихъай нехир къведай береда,
Къушран къвалахъ явашдиз гъил галуькна,
Амни фена, вердиш хъанвай жуьреда,
Гамишрикай квайни – квайдал ацукъна.

Амалдарди экуь юкъуз уьзягъдиз
Гъална гамиш вичин кваллиз хкана.
Иесидиз, акъатайла суракъдиз:
«Керекулдин гъурч я ам зи», - лагъана.

Керекулди гамиш къванди къаразна?
Гафар аку регъуь тежез лугъудай...
Куьреллайди, къведни кевиз акъвазна,
Икърар хъана гъуьжет суддиз вугудай.

Дуванбегдин патав фена амалдар,
Нефсиникай адан ванер атанвай:
- Зи хийирдиз туькъурайтга на а кар,
Къечгуда ваз за виртедай ацанвай.

Рази хъана. Суддал гамиш жагъайди
Иесивал тавунвай вич батлуна.
«Гъурчен сагъиб хъун герек я ягъайди», -
Амалдардиз клани къарар къабулна.

А касдини вегъенач кар пакадал,
Дуванбегдиз са чехи къечгуда ракъурна:
Вирт эцигна винел къве туб чкадал,
Къечгуда лагъайтга вич нежесдай ацурна.

Дуванбегди, квалахдилай хтайла,
Виртедикай вегъена са тпуруниз.
Чир хъайила, квал ниедай ацайла,
Рекъидай къван тади гана руфуниз.

Катна фена амалдардин квалерал,
Эвер гана, вичин патав къвез туна.
- Кицгин хва киц, вуна къе и гъилерал,
Алдатмишна, зав нежесар нез туна.

- Ам дуьз жезвач, къенин къакай рахайла,
Къе-къе лугъуз хкадармир на цавуз:
Керекулди гамиш гъурчна лагъайла,
А нежесар тъунай вуна гъа чавуз.


Къизгъин гьалар

Дагъустан патал алай йисан сифте килер саки гузлемиш тавур хътин вакъийаралди липанлу хъана. Эгер Интернетдин сайтра ва соцсетра дагъустанвийри кхъизвай кьейдер фикирда къуртла, гьукуматда хъайи дегишвилерал жергедин агъалийрин гегъенш къатариди шадвал ийизва. Шадвилер авун, гьелбетда, РД-дин килин везифаяр вахтуналди тамамарзавайди тир В.Васильевак еке умудар кутунихъ галаз алакьалу я.

...Гьафтеяр, варцар, йисар къвез-алатзава, амма саки къарала акланвай хътин дагъустанвийрин гьалар хъсанвилехъ физвач, - гъа ихътин фикирдал алай халкъ.

Ватандашриз пулсуздаказ ийизвай гьукуматдин хейлин къуллугъар гьакъи гун тавунмаз, мадни дуйм-дуйз лагъайтла, са низ ятлани ришвет таганмаз кьилиз акъудзава. Чебни, кар алай вири къурулушриз талукъ я: **з д р а в о х р а н е н и д и з**, образованидиз...

Вирибуруз ашкара тир са мисалдал акъвазин. Цийиз хъанвай аялдиз адан пуд йис тамам жедалди гьукуматди дарманар пулсуздаказ ахъаюн лазим я. И гьакъиндай махсус къарар ава. Гьелбетда, чавай вири жуьредин дарманрин патахъай лугъуз жедач. Амма пулсуздаказ ахъайзавай дарманрин тайин тир сиягъ ава, гьадал асаслу хъана кланзава. Лугъун мумкин я: низ ва мус акунвай «бахт» я им? Инсанар масакла вердишарнава. Ихътин гьалар арадал атуни тахсир са



гьихътин ятла дережада ватандашрик чпикни акатзава. Муькуь патахъай, къуллугъдал алай касдиз ришвет гузвай кас вични къанундалди уголовный жавабдарвилеиз члугъазвайди я.

...Муалшим лагъай пак твар куьз элкьурнаватла аку! Вацра садра гузвай коммунальный такъатрин жигъетдай 2017-йисан январдилаи инихъ бурж кума. И мукъвара чав 10 вацран такъатар санал хгуда лугъудай хабар агакънава. Икьван чъавалди Дагъустандихъ ахътин мумкинвал авачир!

Дагъустандин образованидинни илимдин министерстводихъ чпи тешкилай конкурсда агалкъунар къазанмишай ученикриз гудай дипломар, грамотаяр къачудай такъатар авач!

Шаир Муграгъ Салахъа хъсан лагъанва: «Эй гьукумат! Къей гьукумат! Гьикьван хъурай ви зулумат!».

Садазни сир яз амач, Дагъустандин Правительствода еке дегишвилер хъанва ва гьеле арадал

атанвай гьаларал сергьятламиш жезвач. Ришветбазвилерихъ галаз къетли женг тухун патал уьлкведай са тилит органрин къуллугъчияр атанва.

Дагъустанда ришветбазвилерихъ галаз женг тухунин жигъетдай В.Путинан пресс-секретарь Д.Пескова ихътин баян гана: «Коррупциядиз акси серенжемар Россиядин тек са региондал, и дуйшуьшда Дагъустандал, сергьятламиш жезвач, абур уьлкведин вири мулкара галай-галайвал ва вичин макъсаддив агакъдайвал киле тухуда».

И йикъара «Дагъустандин жегъилар» газетди кхъизвайвал, РФ-дин Генпрокурордин комиссияди Дагъустанда регистрация тавунвай 70 тахсиркарвал винел акъуднава. Абурун жергеда инсан яна кьенвай къве тахсиркарвални ава, гьакл террориствилни пуд тахсиркарвални.

9-февралдиз Россиядин Президентдин Къарардалди Дагъустандин прокурордин къуллугъдал вад йисан муддатда Денис Попов тайнарна.

В.Васильева РД-дин экономикадин ва РД-дин образованидинни илимдин цийи министрар тайинарна. Вичи кьейд авурвал, миллетриз килигна ваь, кар алакьуниз, пешекарвилеиз килигна тайинарзава.

Чнани вири и гьалар хъсанвилехъ финик умуд кутазава.

К. ФЕРЗАЛИЕВ

Аязди аклажарай чакъал

Са хъуьтлуьн юкьуз, чими парталарни алуькна, магъарадай экъечна, чакъал вир галай патахъ рекъе гьатна. Вирин кьерехривай вичиз недай са затл гьатуник умуд кваз фейи чакъал севери, сиклери, пеленгри ва масабуру хъуьруьнрал вегъена. Са карни алачир чкадал вичикай ягъанат авунин себебдай кьил акъатзавачир чакъалдин. Фикир гайитла, абурал садални чакъалдал алай хътин чими кавал алачир.

- Къайивили тади гузвани ваз, чакъал? Ихътин юкьуз акъван парталар алуьклайла, пака пис аяз авай юкьуз вуна вуч хъийидатла, яраб? – вичиз хас тирвал, гьутъдал ацалтна, ягъанатдин тегъерда жузуна севере.

Кьил къакъудна, атайвал элкьвена чакъал. Гьугъуьнин йикъарикай са юкьуз ам кавал алачиз фена.

Налугъуди, гатун члав я.

- Аязни эхда за, амма муькуь йиртижийриз мад зун хъуьруьнрал вегъедай себеб гудач, - лагъана, чакъалди вичин чими магъарадай вирихъ гьерекатна.

Леьк атлудай хътин аяз авай юкьуз вирел фейи чакъалдиз элкьвена хтун къисмет хъанач. Руфунани са артух затл авачир юхсул, аяздиз дурум гуз тахъана, беденда меьки фул гьатна, агаж хъана.

Баснядин мана: *Жуван кар жуваз хъсандиз чизва: нетижа паиманди тахъун патал, масабуру лагълагъ авунихъай, айиб авунихъай кичле тахъана, лазим тирвал кар къетл ая.*

К. ФЕРЗАЛИЕВ

Информационное сообщение

Министерство печати и информации Республики Дагестан объявляет о проведении республиканского конкурса на лучший антиэкстремистский и антитеррористический контент (далее - Конкурс). Конкурс проводится в соответствии с государственной программой Республики Дагестан «Комплексная программа противодействия идеологии терроризма в Республике Дагестан на 2018-2020 годы».

Цель Конкурса - усиление активности медиасообщества Республики Дагестан, направленной на информационное противодействие идеологии терроризма и экстремизма в Республике Дагестан.

Участниками Конкурса могут быть электронные, печатные средства массовой информации, сетевые издания Республики Дагестан, рекламные агентства, а также авторы (авторские коллективы), чьи материалы антиэкстремистской и антитеррористической направленности были опубликованы, размещены в эфире, в сети Интернет, средствах наружной рекламы в 2018 году¹.

Требования к конкурсным работам (материалам);

- **Видеоматериал**, размещенный в социальных сетях, медианеелях, телеэфире (видеоролик, телепередача, документальный фильм и т.п.).

- Публикация в печатном издании (статья, очерк и т.п.).

- Публикация в сетевом издании (статья, очерк и т.п.).

- **Наружная реклама**, размещенная на городских рекламных конструкциях, перетяжках, в общественных местах и местах массового скопления людей (билборд, агитплакат).

Общий объем печатных работ - не менее 1 полосы формата А3, видеоматериалы и аудиоматериалы представляются на электронном

носителе. К материалам на национальных языках должны быть приложены переводы на русском языке в печатном варианте. Ссылки на публикации в сети Интернет предоставляются в виде цветных скриншотов, содержащих браузерную строку с читаемой ссылкой на материал, а также в виде активной гиперссылки на материал. Макеты наружной рекламы должны быть представлены на электронном носителе, включая исходные файлы.

Работы оценивает Конкурсная комиссия из представителей Министерства печати и информации РД, Комитета по свободе совести, взаимодействию с религиозными организациями РД, Министерства по национальной политике РД, Министерства по делам молодежи РД, других заинтересованных структур.

Основанием для участия в Конкурсе являются представленные в Комиссию собственноручно заверенные авторами, или их уполномоченными представителями, или руководителями СМИ заявки для участия в Конкурсе.

Состав заявки:

- заявление (свободная форма) автора, или его уполномоченного представителя, или руководителя СМИ на имя министра печати и информации Республики Дагестан - обязательно.

- конкурсная работа (материал) - обязательно.

- данные об охвате материалом аудитории в Республике Дагестан, данные о тональности восприятия материала - по желанию автора.

Подведение итогов Конкурса с определением победителей осуществляется **ежеквартально**. Комиссия рассматривает поданные в срок заявки и принимает решение о награждении победителей. Последний срок подачи заявки - последний день квартала.

Общий годовой премиальный

фонд составляет 800 тыс. руб. (200 тыс. руб. в квартал).

Для победителей Конкурса учреждаются премии в номинациях:

- **Видеоматериал**. Общий ежеквартальный фонд составляет 100 тыс.руб. включая: первая премия - 50 тыс. рублей, вторая - 30 тыс. рублей, третья - 20 тыс. рублей.

- Публикация в печатном издании. Общий ежеквартальный фонд

составляет 25 тыс. руб. включая: первая премия - 12 тыс. рублей,

вторая - 7 тыс. рублей, третья - 6 тыс. рублей.

- **Публикация в сетевом издании**. Общий ежеквартальный фонд составляет 50 тыс. руб. включая: первая премия - 25 тыс. рублей, вторая - 15 тыс. рублей, третья - 10 тыс. рублей.

- **Наружная реклама**. Общий ежеквартальный фонд составляет 25 тыс. руб. включая: первая премия - 12 тыс. рублей, вторая - 7 тыс. рублей, третья - 6 тыс. рублей.

Награды присуждаются за глубокое и яркое освещение антиэкстремистской тематики, профессионализм и оригинальность подачи материалов, степень охвата аудитории.

Журналистские и авторские работы направляются по адресу: г. Махачкала, ул. Насрутдинова, 1а (2-ой этаж), каб. 8, Министерство печати и информации РД, отдел по взаимодействию со СМИ. Копии материалов направляются на электронный адрес: komsmi-rd@mail.ru. Информация предоставляется по телефонам + 7 8722 510360 или + 7 8722 510354.

Итоги Конкурса обнародуются в республиканских средствах массовой информации и на сайте министерства.

Положение о Конкурсе размещено на сайте министерства в разделе "Документы", подраздел "Конкурсы и гранты".

ДУЪНЪЯДА


Китайда алимри «плащ-невидимка» акьудна



Гардеробдин суьгьурдин и затӀуни скептикрин вилик лап пара месэляяр эцигна. Китайдин «плащ-невидимка» акьуднавайбурун гафаралди, ам квалентовый парчадикай авунва. Ада гуьзгьудин жуьреда кӀвалахзава: материалди экуьнин лепе акьудзава ва вич квахьзава.

Мадни плащдин экуьна гьатзавай шарици пешерин суьретар чпелди ерли чӀугвазвач.

Дагъустанда- дугьудин завод



Кизляр райондин Сар-сар хуьре дугьугь гьядай завод эцигна. Ада алай йисуз вичин кӀвалах гатӀундайдакай республикадин Минсельхоздин пешекар векилди хабар гана. Мукьвал варцара са суткада 75 тонн дугьугь гьасилдай кьуват авай завод кардик акатда. Завод патал Кьиблепатан Кореядин алай вахтунин тадаракар кьачунва. Заводдиз тӀебин газдин турбаяр тухун патал алатай йисуз республикадин бюджетдай 7,1 миллион манат акьайна. ИкӀ, 2017-йисуз республикада кӀватӀай

дугьугьдин кьадар 82,5 агьзур тонн тир. Дагъустандин дугьугь Азербайджандиз тухузвай.

Гила Татарстандизни 5-лай 8 агьзур тоннрив агакьна дагъустандин дугьугь кьачудай мурадар ава. Икьван гагьда чи республикада кьачузвай дугьугь Краснодарский крайда михьна хкизвайтӀа, гила и кар чкадал ийиз жедай мумкинвал ава.

Россия - яракьлу гьукумат



Гьукуматдин кьилин зендиналди, россиядин кьайдайрин яракьдалди таьмин тирвал, лап мягькембурукай сад я. Яракьдалди таьмин тирвал, ада Сирияда кьиле тухвай махсус операцияда кардалди кьалурна.

Хьсан яракьдалди таьмин жаллатӀрин кӀеретӀар кукӀварун асант кар тушир. Амма чи ВПК ахварик, кумачир. Абуру шийи яракьдалди гьар са чкада женг тухуниз ярашугь яракьрин чешнеяр акьудиз хьана. Ада вичин таьсирлу винизвални кьалурна ва умудлу я, кьалурни ийида.

Томатар ва ичер жигеррин азаррин аксина мягькем кьалхан я


Эгер инсанди папӀрус чӀугвазватӀа, ада вичин тӀуьниз дикьет гана кӀанда. Джонс Хопкинсан университетда кьиле тухвай ахтармишунри ичер ва томатар ишлемишзавай инсанрин жигерриз тӀимил зарар жезвайдакай «Новости» РИА-диз хабар гана. Алимри гьахь-гьисабда кьейдзава:

«Инсандин жигеррин кӀвалах зайиф жез эгечӀзавайди 30 йисалай кьулухь я. Ахпа адан ериш умуми сагьламвиллин гьалдилай аслу я. Эгер гзаф кьадарда яр-емишар



ишлемишиз хьайитӀа, инсандин жигеррик зарар хкӀадач. Ида жигеррар хер-кьацӀ хьуникай хуьда. Жигерриз гзаф кьадарда таьсирзавайди гьава чиркин хьун я. Ада жигерар дакӀунал, четиндиз нефес акьудунал гьизва. Виридуьньядин духтуррин кьейдералди, жигерар харапӀ хьуналди рекьизвай инсанрин кьадар, ажалдал гьалтайла, пудлагьай чкадал ала. Мижейрихь адакай кьутармиш авунин рекьай хийирлу нетӀжа авач.

Балугьдин чӀемедикай хийир ава




Алимри балугьдин чӀемеди инсандин мефтӀ зегьерлу затӀарикай хуьзвайдакай баянар гана.

Ада балугьдикай ибарат тӀуьн кьабулайла, зигьиндиз хьсан таьсир ийизва. РикӀиз, нервийриз, тӀуьн шурур авунизни кӀубан таьсирзава.

Гьазурайди:
Вадим АГЪАМУРАДОВ

КРОССВОРД



Дуъз цларара: 5. Кищин шараг. 6. Россия. 7. Туьгьмет, айиб. 10. Тям паталхурекдиккудайзатI. 11. ХьиткьитI. 12. Йикьан вахт. 15. Кищин лаклаб. 17. Пайдах. 18. Чкланвай, члурхьанвайчка, дарамат. 19. А.Агьаван «Лезгияр» романдинсаиштиракчидин твар.

Тик цларара: 1. Акьулдизкьериди. 2. Лезгийриналайаямдинашукь. 3. Спичкадинкьалуналжеда. 4. Уюнбаз, кьемедачи. 8. Гуьрчегкьуш. 9. Ксайлааквада. 13. Гатунтавунвайсамар. 14. Докьузпарайондинхурь. 15. Пачагьвал, бегвал. 16. Эрменийринконьякдин твар.

Туькьуьрайди - К. ФЕРЗАЛИЕВ

«ЭС» газетдин 8-нумрадиз акьатай кроссворддин жавабар:

1. Гьамам. 2. Керем. 3. Мелик. 4. Тебиб. 5. Келет. 6. Жабар. 7. Назим. 8. Ислен. 9. Аслан. 10. Кавал. 11. Валет. 12. Сагьиб.

Гьуьрметлу газет кIелзавайбур!

«ЭС» газетдин редакцияди квевай тIалабзава, райондин идарайриз ва тешкилатриз авай суалрин патахьай редакциядиз чарар кхьин. Чи редакцияди куь суалриз жавабар гуда.

Скорая помощь ЦРБ Докузпаринского района

тел. 8 928 059 84 90, 8 989 868 03 00

Кьурушрин юкьван школадин муаллимрин коллективди диде
КЫЗКАЙИТ

рагьметдиз финихь галаз алакьалу яз, Велибеков Эльдераз ва вири багьрийриз башсагьлугьвал гузва.

«ГОЛОС ЭРЕНЛАРА»

2001-йисан
ноябрдилай акьатзава

Тешкилайди:

Докьузпара райондин
администрация,
Дагьустан Республика

Учредитель:

Администрация Докузпаринского
района, Республика Дагестан

**Кьилин редактордин
везифаяр тамамарзавайди:**
А. Э. ЭМИРСУЛТАНОВ

**Жавабдар секретардин
везифаяр тамамарзавайди:**
К. Н. ФЕРЗАЛИЕВ

Хсуси корреспондентар:
Ш. О. ШАГЬБАЛАЕВ
В. С. АГЬАМУРАДОВ
З. Э. МЕДЖИДОВА

Корректор:
Ш. О. ШАГЬБАЛАЕВ

Верстка авурди:
К. Н. ФЕРЗАЛИЕВ

Газетдин индексар:
Зур йисан кьимет - 241,86 м.
Йисан кьимет - 483,72 м.

Чандиз вахкай вахт: 14:00
Чанзавай вахт - 17:00

Тираж 497

**Редакциядинни макьалайрин
авторрин фикирар сад тахьун
мумкин я. Макьалайрин деширдин
дуьзвилини патахьай жаваб
авторри чни гуда. Макьалайриз
рецензия гузвач ва абур элкьвена
вахкузвач. Мадни, чпин
макьалайра дегишвилер тунал,
кьилер дешишурунал рази тушир
мухбиривай чна абур
редакциядиз ракьур тавун
тIалабзава.**

**Газета зарегистрирована
Управлением Федеральной
службы по надзору в сфере связи,
информационных технологий и
массовых коммуникаций по
Республике Дагестан**

**Регистрационный
номер ПИ №ТУ5 - 00256
от 14 июня 2013 г.**

**Редакциядин,
издательстводин ва
типографиядин адрес:**

368750, Докьузпара
район, Усугьчай хурь,
тел: +7 (8722) 55-14-61

**e-mail: golos-erenlara@mail.ru
Наш сайт: www.erenlar.ru**